



Pitanje kandidata/ ponuditelja od 30.11.2022.

Poštovani,

U vezi sa objavljenim Pozivom za dostavu ponuda za usluge iz Aneksa II dio B predmetne nabavke Usluga fizičke i tehničke zaštite ljudi i imovine, dostavljamo upit u vezi sa tačkom 10. navedenog poziva, a koji se odnosi na otvaranje i analizu pristiglih ponuda.

Ugovorni organ se izjasnio kako će izvršiti otvaranje pristiglih ponuda nakon isteka roka za prijem ponuda, ali nije jasno definisao dan i datum, a što je protivno Zakonu o javnim nabavkama i članu 3. Zakona koji se odnosi na transparentnost postupka.

Također, molimo Vas za odgovor u vezi sa prisustvom ponuđača otvaranju ponuda. Hoće li biti omogućeno otvaranje ponuda, kojeg dana i u koje vrijeme?

Naša pitanja su postavljena iz razloga omogućavanja transparentnosti postupka, s tim u vezi molimo Vas da nam odgovorite u Zakonskom roku na pojašnjenje poziva gore navedeni broj.

Ovaj upit nikako nije žalba!

S poštovanjem,

Odgovor SZZ HNŽ-HNK:

Poštovani,

Vežano za vaš upit za pojašnjenje Poziva broj: 04-2-2-11-7-20-161/3-22 – Nabava usluga fizičke i tehničke zaštite ljudi i imovine (Usluge iz Aneksa II dio b), obavještavamo vas sljedeće:

Služba za zapošljavanje HNŽ-HNK je dana 24.11.2022. na svojoj web stranici objavila Poziv za dostavu ponuda za pružanje usluga fizičke i tehničke zaštite ljudi i imovine br: 04-2-2-11-7-20-161/3-22, sukladno Zakonu o javnim nabavama („Službeni glasnik BiH“, br. 39/14) (u daljem tekstu: Zakon) i Pravilniku o postupku dodjele ugovora o uslugama iz Aneksa II. dio B Zakona o javnim nabavama („Službeni glasnik BiH“, br. 66/16) (u daljem tekstu: Pravilnik)

Ugovorno tijelo je u predmetnom javnom pozivu u točki 10. definiralo:

„10. Rok za dostavljanje ponuda

Krajnji rok za dostavljanje ponuda ističe dana 08.12.2022. godine do 12:00 sati.



Ugovorno tijelo će nakon isteka roka za prijem ponuda izvršiti otvaranje i analizu istih i obavijestiti će ponuditelja o rezultatu postupka nabave, a Odluku objaviti na svojoj web stranici.“

Naime, člankom 7. stavak (4) točka i) Pravilnika propisano je koje elemente treba sadržavati javni poziv, **gdje je između ostalog propisano da je jedan od elemenata i krainji rok za dostavu ponuda (datum, mjesto i vrijeme), kako je ovo Ugovorno tijelo i definiralo. Također, nije propisano da je jedan od elemenata Javnog poziva datum, mjesto i vrijeme javnog otvaranje ponuda.**

Ugovorno tijelo je omogućilo i osiguralo transparentnost u ovom postupku nabave jer je **pri provođenju ovog postupka evidentiralo sva dosadašnja postupanja u svrhu poštivanja načela transparentnosti koja su propisana Zakonom i Pravilnikom i to:**

- **Poziv je objavljen na web stranici Ugovornog tijela i isti će stajati otvoren/bit**
dostupan za preuzimanje 14 dana
- **Poziv sadrži sve elemente propisane Pravilnikom**
- **Poziv je dostavljen na tri adrese**
- **Poziv sadrži podatak o načinu obavješćavanja ponuditelja o rezultatima postupka nabave i da će Odluka biti objavljena na web stranici Ugovornog tijela**
- **Ugovorno tijelo će vaš upit kao i odgovor objaviti na svojoj web stranici.**

Shodno navedenom, Ugovorno tijelo smatra da niti jednom radnjom nije postupilo protivno zakonu i podzakonskim aktima, pa samim tim nije u obvezi odrediti datum javnog otvaranja ponuda.

S poštovanjem.